

բան էր, երբ բանանաներից մէկը խօսք խնդրելով, ոտի է կանգնում ու գոչում-ինձ հարցնում են, որ առջարկում ես, ո՞վ է Գալանթարը: «Ա՛յ սա է»: Կարծիւմ սա նոյն իսկ Թեկնածու Գալանթարին անգամ անհաճոյ դրուժեանք մէջ պէտք է դնէր:

Կային, այո՛ կային շատ բացասական կողմեր: Հազիւ թէ այդպիսի ընտրութիւն վաւեր համարուի...

Սպասում ենք աչալուրջ ծխականներին բողոքին և ս. Առաջնորդի ուշադրութեան:

ԱԿԱՆԱՏԵՍ

ՆԵՐՔԻՆ ԼՈՒՐԻՐ

—Հայ-թիւրքական յարաբերութիւնները, չնայելով դանազան խաղաղարար մասնաժողովների ջանքերին, գրեթէ նոյնն է մնում և սպառնում է նորից աւելի մեծ թափով աղմկել Կովկասը: Վերջին լուրերը Վարանդայից և շրջակայքից յուզիչ են և յուսահատական: Այս պատճառով Թիֆլիս է եկել Շուշուայ թեմակալ առաջնորդ սրբ. Աշոտ եպիսկոպոսը և ներկայանալով երկրիս Փոխարքային խնդրել է նորից Շուշի ուղարկել գէն. Գօլօշչապովին իբրև անկողնակալ մարդու, ապահովել Եւլախ-Շուշի և Շուշի-Գօրիս տանող ճանապարհները, ապահովել գիւղացիների դաշտային աշխատանքները, յետ դարձնել Վարանդայի գիւղերից առնուած տուգանքները, հայերից զէնքեր չխլել, ինչպէս որ չեն խլում այնտեղի թուրքերից, դադարեցնել նոյնտեղ կատարուող խուզարկութիւնները, պատժել Վարանդայի սոսկալի դէպքերի յանցագործներին և այլն և այլն:

Փոխարքան խոստացել է բաւարարութիւն տալ սրբազանի բոլոր խնդիրներին և հրամայել գէն. Գօլօշչապովին անմիջապէս ուղևորուել Շուշի:

Չնայելով այս խոստումներին, դրութիւնը այնուամենայնիւ գէթ առ այժմ բարելաւելու յոյս չէ խոստանում. հեռագիրները մէկը միւսի ետևից բերում են աւազակութեանց և աւարառութեան չարագուշակ լուրեր, Խաչէնը ռմբակոծում է, Եւլախ-Շուշի ճանապարհին թուրքերից գերուած և կողոպտուած են բոլոր հայ ընտանիքները, անհանգիստ է ամբողջ Շուշուայ գաւառը: Բայց մինչև երբ պիտի տանջուեն խեղճ և անզէն հայ բնակիչները, հարցնում ենք կառավարութեան

գործակալներին: Թող պատասխանեն, որոնց վերաբերում է պատասխան տալ այս հարցին:

— Լրագիրներին տեղեկանում ենք, որ Վ.Կ. Կաթուղիկոսը մի կոնդալ է արձակել, որով հոգևոր պաշտօնատար անձանց ընտրութիւնը յանձնուում է ժողովրդին: Մանրամասնութիւններ գեռ չկան, ուստի և աւելի մանրամասն մենք կխօսենք այդ մասին յաջորդ համարում:

— Մեզ հաղորդում են, որ Վ.Կ. Հայրապետը յունիսի 10-ին Թիֆլիս կը ժամանէ և ամառը կանցկացնէ Աբասթումանի հանքային ջրերում:

— Մայիսի 10-ին Թիֆլիսում կայացաւ Պետական Դումայի համար մի ներկայացուցիչ ընտրող 80 պատգամաւորի ընտրութիւն՝ քաղաքիս 9 մասերում: Ընտրութեանը մասնակցում էին քաղաքական զանազան կուսակցութիւններ. 80 հոգուց՝ 71 հոգի ընտրուեցան սօցիալ ռամկավարները, իսկ 9 հոգի (միայն 9-ը քաղաքամասում) ռամկա-սահմանադրականներ: Ընտրութիւններից առաջ սօցիալ-ռամկավարները պատգամաւորի պաշտօնի համար թեկնածու էին զրել վրացի Նոյ Ժորդանիային, իսկ այժմ, ինչպէս տեղեկանում ենք, մի քանի թեկնածուներ են զրել, որոնց մէջ նաև յայտնի հասարակական գործիչ Արշակ Ս. Բաբեանը, որ ձայների ստուար մեծամասնութեամբ ընտրուած է 8 քաղաքամասում որպէս ընտրող պատգամաւոր:

— Առաջիկայ համարում կհրատարակենք մեր աշխատակից պ. Mars-ի մի ընդարձակ տեսութիւն Հայկական հարցի և հայոց յեղափոխական կուսակցութիւնների գործունէութեան վերաբերեալ:

ՍՏԱՑՈՒԱԾ ԳՐԲԵՐ

Յ. Գասպարեանց. Օժանդակիչ ձեռնարկ մայրենի լեզուի հայերէն ուղիղ կարդալ ուսուցանելու. Թիֆլիս 1906, գ. 7 կ. Բժ. Ա. Բուդուղեանց. Նուէր հայ դպրոցականին. Ս. Պ. Բ. 1906. գ. 10 կ.

Առաքել Նալբանդեան. Առականեր. զրեալ 1900—4. Թիֆլիս 1906 գ. 50 կ.

Տարեւոր տեղեկագիր հանրական ատենին յանձանձանաց հայ ազգային հաստատութեանց Բառաւիոյ վասն 1904 ամի. Նոր Զուլա 1905.

Կանոնազրութիւն Փարիզի հայկական միութեան. Փարիզ 1906 թ.

APM. и AB. Хачатуръ Абовьянъ. Тифлисъ 1906. г. 15 к.